

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 222064 22 St  
Zenica, 17.03.2025. godine

Općinski sud u Zenici, stečajni sudija Amela Sinanović, u prethodnom postupku za utvrđivanje uvjeta za otvaranje stečajnog postupku nad stečajnim dužnikom Proizvodno prometno privredno društvo „SOJKIĆ“ d.o.o. Zavidovići, ul. Krivajska bb, Zavidovići, nakon održanog ročišta za utvrđivanje uvjeta za otvaranje stečajnog postupka održanog dana 21.11.2024. godine u prisustvu likvidatora Karahasanović Semira, advokata iz Zavidovića, punomoćnika povjerioca Porezna uprava FBiH – Kantonalni porezni ured Zenica, Avdić Muhameda i punomoćnika povjerioca Federalni zavod za PIO/MIO, Kantonalna administrativna služba Zenica, Tuka Zlate, dana 17.03.2025. godine, donio je sljedeće:

#### R J E Š E N J E

Otvora se i zaključuje stečajni postupak nad imovinom stečajnog Proizvodno prometno privredno društvo „SOJKIĆ“ d.o.o. Zavidovići, ul. Krivajska bb, matični broj subjekta upisa 1-6089, zbog nepostojanja imovine, dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 1-6089, a po pravomoćnosti ovoga rješenja.

#### O b r a z l o ž e n j e

Predlagач Proizvodno prometno privredno društvo „SOJKIĆ“ d.o.o. Zavidovići kao stečajni dužnik je ovom sudu podnio prijedlog za otvaranje likvidacionog postupka, dana 02.04.2021. godine.

Za likvidatora društva imenovan je Karahasanović Samir, advokat iz Zavidovića, koji je podnio ovom sudu dana 30.08.2022.godine, prijedlog za provođenje stečajnog postupka, nad navedenim privrednim društvom, nakon što je utvrđeno da likvidacioni postupak nije moguće zaključiti, jer društvo ne raspolaže sa imovinom, iz koje bi se mogla namiriti prijavljena potraživanja. U toku likvidacionog postupka svoja potraživanja prijavio Federalni zavod za PIO/MIO Mostar, Kantonalna administrativna služba Zenica u iznosu od 1.369,00 KM, Porezna uprava Federacije BiH, Kantonalni porezni ured Zenica u iznosu od 1.326.949,86 KM, DD BH Telecom Sarajevo, Direkcija Zenica, u iznosu od 1.200,65 KM i JKP „RADNIK“ d.o.o. Zavidovići u iznosu od 10.003,30 KM, koja potraživanja je likvidacioni upravnik priznao.

Na ročištu za ispitivanje uvjeta za otvaranje stečajnog postupka, likvidator je izjavio da je u toku postupka utvrđeno da dužnik ima neizmirene obaveze koje su prijavljene od strane povjerilaca i to: DD BH Telecom, Direkcija Zenica u iznosu od 1.200,65 KM, BiH, FBiH, Federalno ministarstvo finansija, Porezna uprava FBiH, Kantonalni porezni ured Zenica u iznosu od 1.326.949,86 KM, Federalni zavod za PIO/MIO Mostar, Kantonalna administrativna služba

Zenica u iznosu od 1.369,00 KM i JKP „RADNIK“ d.o.o. Zavidovići u iznosu od 10.003,30 KM. Navodi da je u toku postupka utvrđeno da dužnik ne posjeduje bilo kakvu imovinu iz koje bi se mogli namiriti povjerioci, kako pokretnu tako i nepokretnu, da je transakcijski račun dužnika blokirana, te da na istom nema nikakvih sredstava, da društvo ne posjeduje bilo kakva gotovinska sredstva u blagajni iz kojih bi se mogli namiriti povjerioci, a navedeno proističe iz Uvjerenja Službe za upravu geodetskih, imovinsko-pravnih poslova i urbanizma broj: 06/6-30-533/22-2 od 02.02.2022. godine, Uvjerenja Općinskog suda u Zavidovićima ZK ured broj 042-0-Rz-22-000028 od 31.01.2022. godine, Uvjerenja-Odgovor MUP-a, Odsjek za administraciju Zavidovići 08-01-02/6-03-7-7-325-1/22 od 02.02.2022. godine, Odgovora na zahtjev MUP-a, Odsjek za administraciju Zavidovići 08-01-02/6-03-7-7-1192-1/22 od 27.04.2022. godine, Potvrde o statusu računa izdata od strane ADA Banke broj 194-04/21 od 06.04.2021. godine, Izjave Sojkić Esada iz Zavidovića od 25.04.2022. godine ovjerena od strane notara Senada Hasanića iz Zavidovića pod brojem OPU-OV2781 od 01.07.2022. godine. Dalje navodi, da je u toku postupka utvrđeno da su vozila Marke DAIMLER- benz, tip 1622 reg. 164M899, godina proizvodnje 1983., registarske tablice nisu vraćene, Marke Mitsubishi, tip L 200, registarska oznaka 645J338, godina proizvodnje 1994. godina, registarske tablice vraćene 21.02.2007. godine i Marke FAP, tip 1314K, registarske tablice 797T592, godina proizvodnje 1983. godina, reg. tablice vraćene 19.01.2005. godine, evidentirana kao vlasništvo stečajnog dužnika u službenim evidencijama nadležnog MUP-a, otuđena, odnosno da su ista bila u havarisanom stanju i neupotreblijiva, da su po izjavi osnivača ista još prije 2005. godine prodana na otpad u staro željezo, te da navedena vozila unazad preko 10 godina nisu u posjedu stečajnog dužnika, a u vezi čega je osnivač dao i izjavu pred sudom. Likvidator ističe da je upoznat sa lošom ekonomskom situacijom stečajnog dužnika, te da osnivač Sojkić Esad bez obzira na datu saglasnost od strane povjerioca Porezna uprava FBiH, Kantonalni porezni ured Zenica da izmiri dio sredstava koja su naplaćena od prodaje navedenih vozila do sada nije uplatio navedena sredstva iako mu je u više navrata ostavljan rok, te da stečajni dužnik trenutno nije u mogućnosti izmiriti svoje obaveze a također nije siguran kada i da li bi iste mogao izmiriti, pa shodno tome likvidator ističe da ne postoji opravdanost za ostavljanjem dodatnih rokova za izmirenje obaveza.

Kako iz Izvještaja likvidatora, proizlazi da Društvo, iako postoje stečajni razlozi, nema imovine, iz koje bi se namirili troškovi stečajnog postupka, te kako niko od zainteresiranih lica - povjerilaca, a po pozivu suda objavljenom u Sl.novinama FBiH br. 96/24 od 04.12.2024.godine, nije predujmio novčana sredstava u iznosu od 5.000,00 KM, na ime troškova za vođenja stečajnog postupka, odlučeno je kao u dispozitivu ovoga rješenja, u skladu sa odredbom člana 102. st. 7. i 8., te odredbom člana 204. stav 5. Zakona o stečaju („Službene novine F BiH“, broj: 53/21).

Slijedom naprijed navedenih odredbi Zakona o stečaju, sud je riješio kao u dispozitivu ovog rješenja.

**PRAVNA POUKA:**

Protiv ovog rješenja dopuštena je žalba Kantonalnom sudu Zenica u roku od 8 dana od dana dostave rješenja, a putem ovog suda.

Stečajni sudija  
Amela Sinanović